


名譽主編：陳支平 林曉峰 林 彬
主 編：蕭慶偉 鄧文金 施榆生

閩南涉臺族譜彙編

029



國家『十二五』重點圖書出版規劃項目
國家新聞出版改革發展項目庫項目



閩南涉臺族譜彙編

029



名譽主編：陳支平 林曉峰 林 彬
主 編：蕭慶偉 鄧文金 施榆生



海峽出版發行集團
福建人民出版社

目錄

晉江滬江尤氏族譜（二）	一
金門汶浦何氏族譜	一三七
石獅蒼梧張氏族譜（一）	一九一



晉江
深滬

晉江滬江尤氏族譜（二）

刊本

十六世子瓊公長子

開臨

享年三十五歲

生嘉慶十五年庚午五月廿九日辰時

卒道光廿四年甲辰八月初十日未時

祔父葬新祀宮東塚內



十六世子瓊公次子 子參三子入繼

開海

諱開河字秀山
號揚晉

生道光元年辛巳十月十七日酉時
卒光緒廿三年丁酉五月三十日午時

妣林氏

諱好娘
號閨脩

生道光三年癸未七月初九日寅時
卒道光廿九年己酉十月十五日辰時

繼李氏

諱網娘
號閨秀

生道光六年丙戌四月廿六日申時
卒光緒十一年乙酉三月十八日卯時

考國子監肄業以軍功議叙洛部題授布政司經歷

教授宣德即富壽七十七歲卒山中赤堍穴內翼乾己亥

外山辛辰戌

妣林氏繼李氏例贈安人拾瓦棺合葬舊祀宮南柯厝墓邊

子二長基玉次基寬 女匾

適司內陳家職員

清教授宣德郎布政司經歷揚晉尤公墓志銘

翁尤姓諱開河字秀山號揚晉國子監生以軍功議叙授布政司經歷年七十有七以卒癸有日其孫茂桂謀所以銘翁者重卻其請按狀尤之先有諱致政公者宋季肇迹晉江魯東鄉代有隱德至翁祖伯萬公父從善公俱贈武義大夫其遷滬也自從善公始翁序季嗣伯父子瓊公少席父業復贊伯兄揚清公恢而大之家隆隆以起性孝友樸誠事無鉅細一遵伯兄命後以生齒日繁與兄析

居怡怡無間言。人以其訥於口，時相戲調。翁笑而受之，不為迂。蓋其酬世接物，藹然以和，煦然以惠也。好施與，戚鄰中有以急生告者，靡不給其求。慶弔禮無愆，鄉有義舉，傾囊從之。捨藥施茶，尤罔或悞焉。余意翁好行其德，食報正未有艾，乃值歲大疫，玉折蘭摧，竟先翁而赴重泉。天何此醉可慨也！夫翁生於道光辛巳年十月十七日酉時，卒於光緒丁酉年五月三十日午時。配林氏安人，續配李安人。子二：長恩慶，以騎射入邑庠，先歿。次基寬，女一適陳，皆李出。男孫四：茂添、茂桂、茂

桐茂扮女孫三長適陳次適洪三未字基寬茂添前翁
一日歿以光緒丁酉年十月廿三日癸翁於本山中塋穴內巽
乾已亥外巳辛辰戌翁孫多從余遊且叨姻婭也稔聞
懿行謹叙其崖畧而為之銘銘曰

履華腴而克永年券於德者固其宜身康強而不逢
吉而謂天者不可知剝極必復丁其阨乃大其蕃滋
幽宮永保弓發祥衍慶以俟後之人綿綿無窮期

通家姻晚生吳淑輝頓首拜撰并書

孝孫茂桂茂桐茂扮仝勒石

清教授

開海公行樂圖讚

眼前有山水不必尋蓬壺
胃中有邱壑不必訪仙區
聊將行樂意寫入丹青圖
雖曰身外身相看即故吾
憩坐古松下時與僕馬俱
願為市之隱弗作田之夫
懷彼計然術浪迹泛五湖
致茲季倫富綺樓貯綠珠
納粟欣奏名清靜以自娛
藉尔荆關筆肖此古眉鬚

松盦黃登瀛甫藁

丹青之上見廸翁襟期直有古人風
叔子雅度肆其外叔
度洪波閱其中鬚眉面目形酷肖婦孺侍眾皆佳妙
恪遵懿訓有尊卑奉獻茶承色笑間坐科頭羽扇
揮平於釋躁俗情希好景樓前觀不盡鉛松怪石名
花輝况復褫鞍卧地有玉驄佩笠當階有銀鹿往來問
答免煩勞一生如此又足福

通家姪張師成拜撰稿

清其顏曜而清其神淵以穆其方寸則坦夷其虛懷則卑
牧晏坐科頭踞石聽瀑羽扇停揮松風謖謖生意滿
前蘭馨桂馥其室則迺有美如玉聊可與娛我馬我
僕優哉游哉不耕不讀豈必逍遙乎山之巔容與乎林之
麓藉妙手弓長康聊置之丹青今一幅試問見之者孰
不認此翁之面目

姻晚姪吳淑輝拜藁

百歲無多時奔逐曾何益伊人屏紛華獨有林泉癖
門無剝啄聲身同地更僻園亭叢木攢簾幕紅塵

隔竹韻夏窗南柳陰落庭隙鎮日門茶香消夏情彌
適嬌兒喜推書問字親指畫飄然行地仙蓬萊咫尺天

汝暄姪吳淑輝再拜撰

凡物皆有託人生貴適志卓哉古風人迥與庸人流
異屋舍法且潔園亭巧安置迂風柳成陰消夏竹搖翠
瓦井雜庭陰况有佳兒侍此中樂何如妙手寫其意景
仰披圖畫移神老彌粹敬瞻君子容俚言以存誌

愧省吳榮光拜撰

十六世子參公長子

開江

諱開淮字秀溪生嘉慶甲子年十二月廿七日辰時
一字秀川号揚清卒光緒乙亥年九月初九日申時
享壽七十二歲

妣翁氏

諱最娘号淑德
享壽七十五歲

生嘉慶九年甲子土月廿八日亥時
卒光緒四年戊寅五月十二日戌時

考國子監太學生例授脩職郎誥封武義大夫

妣誥封淑人

考妣合葬本山塗窟

子四長基輝次基瓶三基鼎出承四基炮開燦

皇清國學生 誥封武義大夫揚清尤府君墓志銘

歲己亥尤君恩元將卜葬其尊人誥封武義大夫乞銘於
余曰先大父母墓志子既不棄而為之銘先嚴生平行
事惟子最稔坎幽之文思元敢以請余鄉人也又世好也
何敢以不文辭謹就其所聞見者握管而係之曰尤之先
為唐沈文宗後文宗隨王審知入閩有功官駙馬避王
諱去シ為尤氏世居溫陵後徙晉邑之魯東鄉祖伯萬
父從善皆以恩元貴馳贈如職先是伯萬公卒祖母
施太淑人絜贈公從善兄弟三人來家滬之東垵從善

少而孤，得以成立者，太淑人之力也。生封翁及其弟開
燦，開河封翁以生長海濱，襲父業，起家舟楫，弱冠遂
未於吳越齊魯幽冀之間，握算居奇，謀無弗遂，以故
得大恢其業。然天性敦摯，事父母能得其歡心，撫弟
輩以親，以愛，自少及老，怡怡如也。其孝友之誠者如此。
同治己巳庚午歲，頻歉，封翁於外鄉同姓及親戚姻婭，
先以錢而繼之以米，無不滿其意去。時奉滬江奉憲平
賑，封翁捐米千石為倡，鄉人賴以不飢。其恤宗黨賑